

## Lafont

I.

Quan lo rossinhòl el follós  
dona d'amor e?n quier e?n pren,  
e mòu son chant jauzent joyós  
e remira sa par soven,  
e?l rius son clar e?l prat son gen,  
pel novel depòrt que-y renha  
mi vai grans jòys al còr jazer.

II.

D'un?amistat sui enveyós,  
quar no sai jòya plus valen  
que d'aquesta, que bona?m fos  
si?m fazia d'amor prezen;  
que?l còrs a gras, delgat e gen  
e ses ren que-y descovenha  
es amors bon? ab bon saber.

III

D'aquest? amor tuy cossirós  
vellan e pueys sompnhan dormen,  
quar lai ay jòy meravelós  
per qu?ieu la jau joyós jauzen.  
Mas sa beatat no?m val nien,  
quar nulhs amicx no m?essenha  
cum ieu ja n?aya bonsaber.

IV.

D'aquest? amor tuy tan cochós  
que quant ieu vau ves lieys corren,  
vejaire m?es qu?a reversós  
me?n torn e que lieys n?an fugen.  
E mos cavals vai aitan len  
a greu cug mais que y atenha,  
s?ilha no?s vol arretener.

V.

Amors, alegres part de vos  
per sò quar vau mo mielhs queren,  
e fuy-en tant aventurós  
qu'enqueras n?ay mon còr jauzen.  
Mas però per mon Bon Guiren

que?m vòl e m?apell? e?m denha,  
m?es òps a parcer mon voler.

VI.

E qui sai reina deleytós  
e Dieu non siec en Bethleem,  
no sai cum ja mais sia pros  
ni cum ja venh? a guerimen,  
Qu?ieu sai e cre, mon escien,  
que selh qui Jhesus ensenha  
segura escòla pòt tener.

- letto 364 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropaea.let.uniroma1.it/?q=laboratorio/lafont-1>